

Avtale mellom Telefiber AS og Notodden Energi AS om salg og drift av Altibox i heile Vest-Telemark + Hjartdal kommune.

Torsdag 12. april signerte Telefiber og Notodden Energi ei avtale om salg og drift av Altibox i Vest-Telemark + Hjartdal..

Altibox er interaktivt TV, lynraskt internett, alarm og telefoni levert via fiberoptisk breiband. Altibox AS vert eigd av energikonsernet Lyse AS i Stavanger, som også har utvikla konseptet. På landsbasis er det om lag 280.000 husstander som er tilknytta og Altibox er dermed den største TV-leverandøren på fiber.

Notodden Energi (NE) har gjennom partneravtale med Lyse hatt rettane til utbygging av Altibox i Telefiber sitt område. NE har til 2.200 Altibox-kundar i Notodden og Seljord i dag, og er også medeiger i selskapet Midt-Telemark Breiband AS som har 1.200 kundar i kommunane Bø, Nome og Sauherad.

Avtala som er inngått mellom Telefiber og NE er ei såkalt copartner-avtale, som sikrar Telefiber einerett til å levere Altibox i sitt område. Avtala gjer at Telefiber bygger ut og driftar Altibox i Vest-Telemark + Hjartdal og vil i den samanheng kjøpe ein del tenester av NE - som for eksempel teknisk support og kundeservice.

- Vi er glade for at avtalen med Telefiber er på plass, og ser fram til et godt samarbeid til glede og nytte for både Notodden Energi, Telefiber og private husstander og bedrifter i Vest-Telemark, sier informasjons- og markedsjef Per Thorstensen i Notodden Energi.

-Vi har god erfaring med utbygging og drift av Altibox i Notodden og Midt-Telemark samt i Seljord. Altibox har vært og er en stor suksess - ikke bare i vårt område, men i hele landet. Derfor er det gledelig at Telefiber nå blir med på Altibox-laget, sier Thorstensen.

Telefiber AS er eit breibandselskap eigd av Vest-Telemark Kraftlag, Rauland Kraftforsyningslag, Hjartdal Energi og Vest-Telemark Næringsutvikling. Selskapet har sidan 2006 levert breibandstenester på DSL, Radio og fiber, og har i dag 2000 kundar.

- *Styret i Telefiber er svært nøgd med at avtala med NE er på plass og at Telefiber dermed vil kunne tilby Altibox-konseptet i samband med den vidare fiberutbygginga, seier styreleiar Ketil Kvaale.*
- *I fyrste omgang vil større bustadfelt bli proritert. I hovudsak i kommunesentra, men også i større tettstader utanom som Rauland, Haukeli og Vrådal. Styret i Telefiber vil i løpet av mai måned legge fram sin utbyggingsplan og målet er bygge ut til mange alt i år, seier Kvaale vidare.*

Kontaktpersoner:

Styreleier i Telefiber, Ketil Kvaale

Mobil: 97 14 13 11

E-post: kk@vtk.no

Informasjons- og markedsjef i Notodden Energi, Per Thorstensen

Mobil: 40 40 57 26

E-post: pt@notodden-energi.no